



Universitätsbibliothek Paderborn

**Ioannis Malderi Episcopi Antverpiensis S. Th. quondam
Louanij Professoris Tractatvs De Sigillo Confessionis
Sacramentalis**

Malderen, Jan van

Antverpiæ

Capvt V. An obliget hoc Sigillum, quando pœnitens nonquidem in reuelationem consentit, sed casus est talis vt consentire teneatur.

urn:nbn:de:hbz:466:1-41093

præcipienti id reuelare, vt recte Antoninus in Confessionali cap. 27. Addo ad mentem eiusdem, neque licere hoc casu Confessario reuelationem istam: quia non oportet miscere forum pœnitentiale cum contentiouso; & imprudens esset licentia pœnitentis qui hoc concederet, neque satis ordinata vt ea vti sit licitum Confessori. Adde, quod suprà diximus, non nisi ex honorifica & utili pœnitenti causa, Sacerdotem, etiam de licentia ipsius, reuelare posse peccatum, & non nisi apud eum qui secretum sit seruaturus: quæ omnia hic cessant.

C A P V T V.

An obliget hoc Sigillum, quando pœnitens non quidem in reuelationem consentit, sed casus talis est vt consentire tenetur.

RESPONDEO: Etiam illo casu certum est manere obligationē Sigilli. Exempli causa: Quædam pœnitens detexit Confessario, in quadam domo fuisse conuenticulum hæreticorum: quamuis autem in genere hoc Episcopo extra Confessionem in consensum esse debitū, vt reueles confessio-

No sufficit consensum esse debitū, vt reueles confessio-

nem notuerit, & debuerit in eiusmodi reuelationem faciendam Episcopo pœnitens consen-

tire; certum tamen est non posse ipsa invita

Confes-

Confessarium Episcopo designare domum,
in qua conciliabulum istud habitum fuit.
Ratio huius responsionis est; quia causa, ob
quam arctissimum hoc Secretum institutum
est, etiam hic militat. Ea enim est, ut homi-
nes inducantur ad libenter & plenè cum
plena fiducia peccata sua confitendum, quan-
do sciunt non nisi suo consensu posse Con-
fessarium ea sic audita reuelare. Si enim suf-
ficeret debere eos consentire in eiusmodi
reuelationem, iam quodammodo subeunt
iudicium Confessarij, quoad casum conce-
dendæ reuelationis; cum ante Confessio-
nem, ut supra indicauimus, præiaceat illud
debitum arctissimum perpetui silentij in
Confessario. Precessit enim tacitum pactum
silentij in omnem euentum, nisi ipse confi-
tens in detectionem consenserit. Benè haec
quæstionem tractauit Adrianus de Sacra-
mentis q. de Confessione. vbi aduertit, non
esse mox licitum id facere pro alio, ad quod
faciendum iste aliis tenetur.

Quod sanè adeò liquidum est, ut ei im-
morari non sit opus: neque enim mox tibi
licet diuini auferre quod pauperi des, quan-
do ea est pauperis necessitas, ut diues ei e-
leemosynam dare teneatur. Utique etiam
in aliis multis non idem operatur facti de-
bitum, quod operaretur ipsum factum; non

idem debitum consensus, quod ipse consensus. Sic consensus per verba de præsenti debite præstitus operatur ut horum carnalis copula non sit peccatum, debitum autem istius consensus hoc non operatur. Recte monuit Nugnus in Supplementum q. I. art. I. sub finem, etiam si debeat hunc consensum præstare pœnitens, si neget, non posse quidquam dicere Confessarium: quod non ita accipiendum est, quasi interdum non debeat pœnitentem in hoc officij sui monere, ut patebit ex sequenti Capite; sed quod ad nullam omnino reuelationem procedere debeat.

C A P V T VI.

An pœnitens, nolens consentire in reuelationem quando tenetur, sit absoluendus.

*Quando no-
lenti conser-
tire in re-
uelationem
debeat ne-
gari abso-
lutio.*

C E R T V M est, non esse absoluendum, si omnino sit liquidum quod teneatur consentire in istiusmodi reuelationem; & neque ipse reuelare velit, neque in reuelationem per Confessarium faciendam consentire. Secus si promittat se reuelaturum, aut saltem proponat se reuelaturum prima opportunitate; & malum quod per reuelationem auertendum est, tale sit ut meritò eiusmodi dilatio pœnitenti indulgeatur. Erit

etiam